



“ХӨДӨӨ АЖ АХУЙН БИРЖ” ТӨРИЙН ӨМЧИТ ХХК-ИЙН ГҮЙЦЭТГЭХ ЗАХИРЛЫН ТУШААЛ

2020 оны 12 сарын 14 одор

Дугаар A/61

Улаанбаатар хот

 Ёс зүйн дүрэм шинэчлэн батлах тухай

Авлигын эсрэг хуулийн 6 дугаар зүйлийн 6.1.9, Нийтийн албанад нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хуулийн 7 дугаар зүйлийн 7.2.1, Компанийн дүрмийн 14 дүгээр зүйлийн 14.4.3-т заасныг тус тус үндэслэн ТУШААХ нь:

1. Биржийн ажилтны ёс зүйн дүрмийг хавсралтын ёсоор шинэчлэн баталж, тус дүрмийг мөрдэж ажиллахыг нийт ажилтнуудад үүрэг болгосугай.
2. Ёс зүйн дүрмийг нийт ажилтнуудад танилцуулан, Ёс зүйн хорооны бүрэлдэхүүнийг шинэчлэн батлуулж, хэрэгжилтэд хяналт тавьж ажиллахыг Захиргаа, удирдлагын нэгжийн менежер /Х.Энх-Амгалан/-т даалгасугай.
3. Энэхүү тушаал батлагдсантай холбогдуулан Гүйцэтгэх захирлын 2014 оны 01 дүгээр сарын 21-ний өдрийн A/06 дугаар тушаалыг хүчингүй болсонд тооцсугай.

ГҮЙЦЭТГЭХ ЗАХИРАЛ

Д.ДАНДИЙ-ЯДАМ

Гүйцэтгэх захирлын
2020 оны 12 дугаар сарын 14-ний өдрийн
A/61 тоот тушаалын хавсралт

БИРЖИЙН АЖИЛТНЫ ЁС ЗҮЙН ДҮРЭМ

Нэг. Нийтлэг үндэслэл

- 1.1 “Хөдөө аж ахуйн бирж” ХХК (цаашид “Бирж” гэх)-ийн эрхлэх үйл ажиллагааны хүрээнд тавьсан зорилго, зорилтыг холбогдох хууль, тогтоомжийн дагуу хэрэгжүүлэхэд баримтлах Биржийн ажилтны ёс зүйн хэм хэмжээг тогтооход энэхүү дурмийн зорилго оршино.
- 1.2 Компанийн Гүйцэтгэх захирал, Дэд захирал, нэгжийн менежерүүд нь энэхүү дурмийг дагаж мөрдүүлэх, хариуцлагын тогтолцоог бүрдүүлж ажиллана.

Хоёр. Ёс зүйн дурмийн үйлчлэх хүрээ

- 2.1 Ёс зүйн дурмийг тухайн ажилтны эрхэлж буй албан тушаалаас үл хамааран Биржийн нийт ажилтнууд нэгэн адил дагаж мөрднө.

Гурав. Биржийн ажилтны баримтлах зарчим

- 3.1 Ажилтнуудын ёс зүйн хэм хэмжээг тогтоон мөрдүүлэхэд дараах зарчмыг баримтална. Үүнд:
 - 3.1.1 Хуулийг дээдэлж, хэрэгжүүлэх;
 - 3.1.2 Зарчимч, шударга ёсыг дээдэлж, авлига, ашиг сонирхлын зөрчлөөс анgid байх;
 - 3.1.3 Удирдах, удирдуулах ёсыг сахих;
 - 3.1.4 Хараат бус байж гадны нөлөөнд автахгүй байх;
 - 3.1.5 Хүний эрх, эрх чөлөө, хууль ёсны эрх ашгийг хүндэтгэх
 - 3.1.6 Байгууллага болон хувь хүний хуулиар хамгаалагдсан нууцыг чандлан хамгаалах.
- 3.2 Ажилтнууд ажил, үүргээ гүйцэтгэхдээ дараах зарчмыг хэрэгжүүлнэ. Үүнд:
 - 3.2.1 Ажилтан нь үүрэгт ажилдаа хүндэтгэлтэй хандах, ажлаа мэргэжлийн өндөр түвшинд үнэнч шударгаар гүйцэтгэж, ажлын байрны тодорхойлолтод заагдсан ажлын хариуцлагыг бүрэн хүлээх;
 - 3.2.2 Ажилтан нь зөвхөн хуульд захирагдан хууль тогтоомжийг хэрэгжүүлж ажиллах;
 - 3.2.3 Компанийн нэрийн өмнөөс бусад байгууллага, иргэдтэй хамтран ажиллахдаа ёс зүйн хэм хэмжээг чанд сахиж, ашиг сонирхлын зөрчлөөс анgid байж, ашиг сонирхлын зөрчил үүссэн тохиолдолд Компанийн удирдлагад мэдэгдэх;
 - 3.2.4 Өөрийн буруутай үйл ажиллагааны улмаас алдаа зөрчил гаргасан тохиолдолд гэм буруугаа шударгаар хүлээж, ёс зүйн зөрчил гаргасан тохиолдолд гаргасан үйлдэлдээ дүгнэлт хийж, албан тушаалаасаа өөрийн хүсэлтээр татгалзах хүртэл хариуцлага хүлээх чадвартай байх;
 - 3.2.5 Хамт ажиллаж байгаа болон бусад хүмүүсийн эрх, эрх чөлөөг хүндэтгэн харьцана;
 - 3.2.6 Байгууллага болон хувь хүний нууцтай холбоотой ажил үүрэг гүйцэтгэсэн тохиолдолд ажил үүргийн дагуу олж мэдсэн байгууллага болон хувь хүний нууцыг чандлан хадгална;

- 3.2.7 Ажилтнууд нь компанийн нэрийн өмнөөс ажиллаж байгаагаа ямагт санаж байгууллага, иргэдийн эрх ашгийг хуулийн дагуу эрхэмлэн дээдэлж, харилцааны өндөр соёлтой, хүндэтгэлтэй хандана.

Дөрөв. Биржийн ажилтны дагаж мөрдөх ёс зүйн хэм хэмжээ

- 4.1 Ажилтнууд албан үүргээ гүйцэтгэхдээ дараах ёс зүйн хэмжээг сахин мөрднө.
- Үүнд:

- 4.1.1 Өөрийн албан тушаалын давуу тал, боломжийг хувийн зорилгоор ашиглахгүй байх;
- 4.1.2 Албан үүргээ гүйцэтгэж байхдаа болон ажлын байранд, ажлын цагаар, согтууруулах ундаа, мансууруулах бодис хэрэглэхгүй байх;
- 4.1.3 Компанийн эрх ашгийг хувийн ашиг сонирхлоос ямагт дээгүүр тавьж, өөрт олгогдсон бүрэн эрхээ хэрэгжүүлэхдээ ашиг сонирхлын зөрчил үүсгэж болзошгүй аливаа нөхцөл байдлаас татгалзах;
- 4.1.4 Үндсэн ажлаасаа гадуур хуулиар зөвшөөрснөөс бусад ажил үүрэг эрхлэхгүй байх;
- 4.1.5 Компанийн эд хөрөнгө, техник хэрэгсэл, албан үүргийн дагуу олж авсан мэдээллийг албаны бус зорилгоор ашиглахгүй байх;
- 4.1.6 Биржийн ажилтан байгууллага болон хувь хүний хуулиар хамгаалагдсан нууц болон бүрэн эрхийнхээ дагуу олж авсан мэдээллийг хууль бусаар задруулах, албан үүрэгт нь хамааралгүй байдлаар ашиглахгүй байх;
- 4.1.7 Ажилтнууд нь компанийн нэрийн өмнөөс ажиллаж буйгаа ямагт санаж хамт олон, олон нийт, иргэдтэй харьцахдаа бүдүүлэг үг хараал хэрэглэхгүй, доромжлохгүй байх;
- 4.1.8 Танил тал, найз нөхөд, гэр бүл, төрөл садангийн хүмүүс, тэдний ашиг сонирхолтой холбоотой асуудлаар шийдвэр гаргах, удирдах албан тушаалтан болон албаны нэр барих зэргээр албан тушаал, эрх мэдлээ хууль бусаар ашиглахыг цээрлэх;
- 4.1.9 Захирах, захирагдах ёсны зарчмыг баримталж, тодорхой асуудлаар өөр саналтай байсан ч удирдлагаас гаргасан хуульд нийцсэн шийдвэр, өгсөн үүрэг даалгаврыг цаг хугацаанд нь биелүүлэх;
- 4.1.10 Биржийн ажилтан албаны эрх мэдэл буюу албан тушаалын байдлаа урвуулахгүй байх;
- 4.1.11 Албан үүргээ зохих ёсоор гүйцэтгэж байгаа ажилтанд дарамт, шахалт үзүүлэх, хөндлөнгөөс оролцох, нөлөөлөхгүй байх, албан үүрэгтэй нь холбоогүй үүрэг даалгавар өгөхгүй байх;
- 4.1.12 Ажилтнууд өөрийн мэдлэг чадвар, дадлага туршлагаа байнга хөгжүүлж, компанийн нэр хүндийг ямагт дээдлэх;
- 4.1.13 Албан ажилд шаардлагатай мэдээллийг санаатай болон санамсаргүйгээр нуун дарагдуулах, удирдлагын шийдвэр гаргах үйл явцад саад учруулахгүй байх;
- 4.1.14 Компанийн зорилт, чиг үүргийг хэрэгжүүлэх талаар удирдлагаас явуулж байгаа бодлого, үйл ажиллагааг эсэргүүцсэн мэдээ, мэдээлэл тараахгүй байх;
- 4.1.15 Албан үүргээ гүйцэтгэсэн болон гүйцэтгээгүйн улмаас ашиг сонирхол нь хөндөгдөх дотоод, гадаадын аливаа иргэн, хуулийн этгээдэд давуу